

АНОНСТАР/ЖАҢАЛЫҚТАР МӘЛІМЕТІ

1. ЖТН АР26102391 «Университеттер, мемлекет және бизнес арасындағы тиімді өзара әрекеттесу модельдері: Қазақстанның цифрлық экономикасына технологияларды трансферлеу тетіктері» жобасын жүзеге асыру аясында 2025 жылғы 7–12 желтоқсан аралығында Тәжікстан технологиялық университетіне ғылыми іс-сапар өткізілді. Іс-сапарға зерттеу тобының мүшелері Алпысбаева М.Б. және Сатымбекова С.Б. қатысты. Іс-сапардың негізгі мақсаты – технологияларды трансферлеу және ғылыми әзірлемелерді коммерцияландыру бойынша шетелдік тәжірибені зерттеу болды.

Іс-сапар барысында зерттеу тақырыбы бойынша эмпирикалық деректер жинау жүргізілді: сауалнама, анкеталау және эксперттік сұхбат әдістері қолданылды. Арнайы назар университеттер, мемлекеттік органдар және бизнес құрылымдарының ғылыми әзірлемелерді нақты экономикалық секторға енгізу саласындағы өзара әрекеттесу модельдерін талдауға аударылды.

Тәжікстан технологиялық университетінің басшылығы мен профессорлық-оқытушылық құрамымен жұмыс кездесуі өтті. Кездесуге университеттің оқу жұмысы және білім сапасын басқару проректоры Насриддинзода М.Ш., стратегияны жүзеге асыру және инновациялық технологияларды дамыту проректоры Гафоров Ф.М., ғылым және енгізу проректоры Яминзода З.А., халықаралық байланыстар проректоры Икроми Х.И., сондай-ақ құрылымдық бөлімшелердің жетекшілері, атап айтқанда, Халықаралық қатынастар басқармасының басшысы Охунов Б.Х. және студенттер мен оқытушылар академиялық мобильділігі секторының басшысы Назаров Ш.А. қатысты. Кездесу барысында институционалдық өзара әрекеттесу, инновациялық қызметті қолдау және технологияларды трансферлеу механизмдерін дамыту мәселелері талқыланды. Сондай-ақ эксперттік сұхбаттар жүргізіліп, жоба тақырыбына сәйкес аналитикалық және нормативтік материалдар жиналды.



2. 2025 жылғы 30 қарашадан 10 желтоқсанға дейін Борбасова З.Н. және Глазунова С.Б. Санкт-Петербург қаласына іс-сапармен барды. Іс-сапар ЖТН АР 26102391 «Университеттер, мемлекет және бизнес арасындағы тиімді өзара әрекеттесу модельдері: Қазақстанның цифрлық экономикасына

технологияларды трансферлеу тетіктері» жобасын жүзеге асыру аясында өткізілді.

Іс-сапардың мақсаты – технологияларды трансферлеу тәжірибелерін, инновациялық қызметті ұйымдастыру механизмдерін, сондай-ақ университеттердің мемлекеттік және индустриялық серіктестермен өзара әрекеттесу тәсілдерін зерттеу болды. Іс-сапар бағдарламасы аясында Санкт-Петербург мемлекеттік экономикалық университетінің (СПбГЭУ) Экономика және кәсіпорындар мен өндірістік кешендерді басқару кафедрасының әріптестерімен жұмыс кездесуі өтті.



3. 2025 жылғы 26 қарашадан 1 желтоқсанға дейін АР 26102391 жобасы аясында менеджмент және инновациялар кафедрасының PhD, профессоры Орынбасарова Е.Д. қызметтік іс-сапар жасады. Іс-сапардың негізгі мақсаты – зерттеу тақырыбына қатысты эмпирикалық деректерді жинау, талдау және жүйелеу болды.

Іс-сапар барысында Евразиялық ұлттық университеттің (ЕҰУ) экономика және менеджмент факультетінің өкілдерімен жұмыс кездесуі өткізілді. Кездесу барысында «Менеджмент» және «Экономика және кәсіпкерлік» кафедраларының жұмыс кестесі келісіліп, университеттің жобаның мақсаттары мен міндеттеріне сәйкес бастапқы ақпараттық-талдамалық материалдары алынды. Сонымен қатар, ЕҰУ «Менеджмент» кафедрасының профессорлық-оқытушылық құрамымен кездесу өтті, онда университеттің мемлекеттік органдар мен бизнес-қоғамдастықпен өзара әрекеттесу мәселелері талқыланды. Кездесу аясында зерттеу жобасының презентациясы өткізілді, эксперттік сұхбаттар жүргізілді, сондай-ақ кафедраның аналитикалық материалдары мен есептік құжаттары зерттелді.



Сонымен қатар, іс-сапар аясында Astana IT University-ге жұмыс сапары ұйымдастырылды, онда Цифрлық мемлекеттік басқару мектебінің

профессорлық-оқытушылық құрамымен университеттегі кәсіпкерлік белсенділікті дамыту, ғылыми әзірлемелерді коммерцияландыру механизмдері мәселелері талқыланды. Сондай-ақ жүзеге асырылып жатқан жобалар мен қолданылып жатқан цифрлық құралдар бойынша деректер жинау жүргізілді.



Сонымен қатар, іс-сапар барысында ЕҰУ-дің ғылыми және инновациялық қызметті қадағалайтын құрылымдық бөлімшелерінің өкілдерімен жұмыс кездесуі өткізілді. Кездесу барысында университетте

қолданылатын цифрлық құралдар және олардың зерттеу жобасын жүзеге асыру аясында қолдану әлеуеті талқыланды.

Іс-сапар қорытындысы бойынша жиналған эмпирикалық және аналитикалық деректер жүйелендіріліп, қорытынды аналитикалық тұжырымдар жасалды. Зерттеу жұмысы аясында университеттер, бизнес-қоғамдастық және мемлекеттік құрылымдардың өзара әрекеттесуінің шетелдік модельдері бойынша деректер жинау, талдау және жүйелеу жүргізілді; Евразиялық ұлттық университет пен Astana IT University базасында зерттеулер өткізілді. Зерттеу нәтижелері бойынша «Университет еңбектері» журналына ғылыми мақала дайындалды.